



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Vita Benedicti Papae V.

urn:nbn:de:hbz:466:1-15625

PRIVILEGIUM

*QVO REX EDGARVS CONFIRMAT
Dorobernensem ecclesiam matrem esse & dominam
aliarum ecclesiarum regni sui.*

ANNO dominicæ incarnationis 958. ego nempe Edgarus rex Anglorum, diuinaque concedente clementia monarchus, regum antiquorum Ethelberti & successorum illius ac archiepiscoporum Brythvvaldi & Athelardi statuta & priuilegia monasteriorum Kancegenum cum venerabilis archipontificis Dunstani consultu atque consilio, ad maledictionem impiorum raptorum, imo magis Deo fauente ad benevolentiam iustorumque benedictionem, & eterna conclusione renouamus, & in Domino summo roboramus, statuentes,

Vt ecclesia Christi in Dorobernia aliarum ecclesiarum regni nostri mater sit & domina, & cum suis omnibus perpetualiter sit vbiique libera præter expeditionem, pontis & arcis constructionem.

VITA

BENEDICTI PAPÆ V.

ANNO
CHRISTI
964.

BE N E D I C T V S ex Romanæ ecclesiæ diacono totius cleri & populi Romani vnanimi consensu in locum Ioannis XII. defuncti electus est anno Domini 964. tempore Ottonis & Nicephori imperatorum. Quo facto, cum Romani proceres contra datam fidem iuramento firmatam egissent, Otto imperator, inquit Luitprandus, collecta vndique secum fidelium suorum multitudine Romam adiit, & firma eam omni parte obsidione, ne quis pateret exitus, muniuit. Ciues vero hortatu Benedicti pontificis valde animati obsidionem tamdiu sustinuerunt, donec famæ constricti ad Vrbis deditioñem cogerentur. Post Vrbem captam, Benedicto Hamburgum relegato, in sedem eius pseudopontifex Leo quidam eius nominis octauus eleuatur, Pseudosynodus indicitur, vanæque

Concil. Tom. 25.

Qij

constitutiones decernuntur. Quibus peractis discessit ab Vrbe imperator; sed Dei vindicis poenam non euasit: nam ob sacrilegium quod hac in re commiserat, tanta exercitum eius, ut habet appendix Reginonis, pestis & mortalitas inuasit, ut vix sanus quis a mane usque ad vesperam, & a vespera usque ad mane se victurum speraret.

Benedictus
martyr.

Benedictus
a quibus-
dam chrono-
graphis
e numero
pontificum
male eximi-
tur.

Benedictus obiit in exilio anno Domini 965. titulo ac honore martyrii condecoratus instar Pontiani & Martini pontificum, qui ob gloriosam Christi confessionem pro nomine eius exilium aliasque iniurias ac contumelias sustinuerunt. Offsa eiusdem Benedicti, Ditmaro apud Reginonem attestante, Romam relata fuerunt. Hunc scriptorum alii velut iniuste intrusum omittunt, alii Leoni schismatico & antipapae eumdem anteponunt; sed utramlibet harum sententiam tuentes falluntur. Nam ex iis quae supra dixi manifeste constat, Leonem nunquam nisi pseudopontificem & antipapam fuisse, indignum qui nomine pontificio condecoratus in numerum eorumdem referatur.

CONCILIABVLVM ROMANVM,

*QVO PER LEONEM ANTIPAPAM, ET SEDIS
apostolicae inuasorem schismaticum, Benedictus papa V. exau-
ditoratur, & Hamburgum relegatur anno Domini DCCCCLXIV.
sub Ottone & Nicephoro Phoca imperatoribus.*

Luitprand.
lib. 6. c. 11.

R E SIDENTIBVS itaque domino Leone summo & uniuersali papa in ecclesia Lateranensi, nec non & imperatore sanctissimo Ottone, & episcopis Romanis, Italicis, a Lotharingia & Saxonia archiepiscopis, presbyteris, diaconis, omnique Romanorum plebe, quorum nomina superius adscribuntur, aduenit Benedictus apostolicae sedis inuasor, eorum qui se elegerant manibus adductus, pontificalibus vestibus indutus. Quem Benedictus cardinalis archidiaconus tali est sermone aggressus: Qua tibi auctoritate, quave lege, o inuasor, haec pontificalia indumenta usurpasti, superstite hoc praesente domino nostro venerabili papa Leone, quem tu nobiscum, accusato & repro-

ANNO
CHRISTI
964